

Avogadori, con i quali Avogadori siali comesso questo caso di Alvise Zantani, con le altre clausule, come in la soprascritta parte è notado.

Non fo parlato per alcun, et andò le parte : 83 non sincere, 254 di no, 311 dil Justinian et Pe-xaro, 936 dil Serenissimo, e questa fu presa. E fu dato principio a balotar li Procuratori, prima de la Chiesa, e butate le tessere fono balotati tutti 9, et rimase sier Giacomo Soranzo : di le altre do Procuratie per l' hora tarda non si poté ballotar.

Fu posto, per li Consieri e Cai di XL, una parte di questo tenor, la qual non si poteva meter et è contra le leze, *tamen* li Avogadori non disse nulla, et fu presa, et fo stridà, doman poi nona si chiamerà questo Consejo per balotar il resto di Procuratori e le voxe e far *etiam* eletion ; in la qual parte non fu sier Sebastian Justinian el cavalier, dicendo non si voler impazar per esser stato in eletion :

Conzosiachè per leze sia statuito che, quando si fa eletion de Procurator, le voxe le qual non se havessero potuto balotar in quel Consejo possano esser differite ad uno altro, essendo stà horra deliberato di elezer uno di Procuratori per cadauna Procuratia, dovendo esser impossibile fenir di balotar tutti nonchè provar le voci de hozi, apropinquante l' hora de licentiar il Consejo, perhò l' anderà partè che esse voxe, qual non se hanno potuto provar in questo Consejo ozi per la causa preditta, siano differite al primo futuro Mazor Consejo, da esser probate da poi finita la balotation di Procuratori che restarano da balotar, come è conveniente. 827, 52, 0.

Procurator di la Procuratia di la chiesa di San Marco.

| | |
|---|----------|
| Sier Andrea Lion, qu. sier Alvise | 227.1081 |
| Sier Zuan da Leze, di sier Michiel | 223.1111 |
| Sier Lunardo Mocenigo, fo dil Serenissimo | 484. 837 |
| Sier Lorenzo Loredan, fo dil Serenissimo | 786. 513 |
| Sier Vetor Grimani, qu. sier Hironimo | 313. 999 |
| Sier Antonio Capello, qu. sier Batista | 388. 938 |
| † Sier Giacomo Soranzo, qu. sier Francesco | 853. 443 |
| Sier Francesco di Prioli, qu. sier Zuan Francesco | 510. 754 |
| Sier Zuan Pixani, qu. sier Alvixé procurator | 256.1008 |

A dì 20, luni, la matina. Non fo alcuna lettera da conto ni orator in Colegio, perhò nulla scrivo.

Da poi disnar, fo Gran Consejo : vene il Serenissimo, et eramo pochi. Si balotò li do Procuratori, uno *videlicet* da esser electo per Procuratia, e in quella *di citra* rimase, di tutto il Consejo, sier Antonio di Prioli, per la renga fata, e *di ultra* la prima volta niun non passoe et, balotadi un' altra volta, rimase sier Carlo Morexini, et le ballote è qui avanti poste. Io faliti in la seconda, sichè in pochi mexi ho falito 4 volte, una drio l' altra, che non son intrado. Et fu balotado le voxe di eri, per le qual fu fatto per la terra eri sera e questa matina gran pregierie.

Procurator di la Procuratia di citra.

| | |
|---|-----------|
| Sier Gasparo da Molin, di sier Thomà | 137.1055 |
| Sier Vincenzo Grimani, di sier Francesco | 487. 731 |
| Sier Marco da Molin, qu. sier Alvixé procurator | 182.1025 |
| Sier Andrea Gusoni, qu. sier Nicolò | 269. 936 |
| Sier Lorenzo Justinian, qu. sier Antonio | 285. 945 |
| Sier Francesco Mocenigo, qu. sier Piero | 187.1011 |
| Sier Lucha Trun, qu. sier Antonio | 409. 816 |
| Sier Hironimo Zen, qu. sier Simon | 151.1023 |
| Sier Antonio Mozenigo, di sier Alvixé el cavalier | 227. 974 |
| Sier Andrea Justinian, qu. sier Unfredo | 323. 888 |
| † Sier Antonio di Prioli, qu. sier Marcho | 1024. 183 |

Procurator di la Procuratia di ultra.

| | |
|--|----------|
| Sier Carlo Morexini, qu. sier Batista | 572. 597 |
| Sier Piero Marzello, qu. sier Alvise | 239. 879 |
| Sier Hironimo Justinian, qu. sier Antonio | 490. 692 |
| Sier Domenego Trivixan el cavalier, qu. sier Zacaria | 469. 729 |
| Sier Lorenzo Pasqualigo, qu. sier Filippo | 562.649 |
| Sier Polo Capello el cavalier, qu. sier Vetor | 348. 857 |